

## **Kukanisa Ngóni Buku na Nzambe - Good Mind Scriptures**

**Levitike 24:12 bakengelaki ye makasi na esika moko mpo bazela ete Nzambe akata likambo na ye.**

**KozongelaMibeko 18:6 Soki Levi moko alongwi na vile moko ya Israele esika afandaka, mpe ayei na Esika ya bosantu oyo Nkolo aponi,**

**Ruta 1:8 Naomi alobaki na bango: "Bozonga, motu na motu akende epai ya mama na ye. Nkolo asalela bino bolamu, ndenge bino mpe bosalaki yango epai na ngai mpe epai ya mobali mpe bana na ngai oyo bakufaki.**

**1 MakamboBakonzi 28:9 "Bongo yo, mwana na ngai Salomo, yeba malamu Nzambe ya tata na yo, sambela ye na motema moko ya malamu. Mpamba te Nkolo atalaka kino na motema, mpe ayebaka makanisi nyoso ya batu. Soki oluki ye, akomitika ozwa ye; kasi soki otiki ye, akobwaka yo libela.**

**Nemaya 3:38 Wana ezali ndenge tosalaki mosala ya kotonga mir. Tokumisaki bolai na yango mobimba na katikati, kobanda na nse kino na likolo, mpamba te motu nyoso amipesaki na motema moko.**

**Yobo 23:13 Kasi nani akoki kobongola makanisi na ye? Asalaka bobele oyo ye moko alingi!**

**Maloba Mayele 29:11 Zoba abimisaka nkanda na ye nyoso, kasi motu ya mayele akangaka motema mpe akitisaka nkanda.**

**Isaya 26:3 Yo obatelaka na kimia, na kimia mpenza motu oyo makanisi na ye ezalaka bobele epai na yo; mpo ye atiaka kondima na ye epai na yo.**

**Mako 5:15 Bakumaki penepene na Yesu mpe bamonaki motu oyo azalaki na ebele na milimo mabe kofanda. Ye azalaki kolata bilamba, azalaki na likanisi malamu. Mpe bango babangaki.**

**Misala Bantoma 17:11 Batu na Beroya bazalaki na motema malamu koleka Bayuda na Tesalonike. Bayambaki liloba na Nzambe na mposa monene. Mokolo na mokolo bazalaki koyekola Maloba na Nzambe mpo na koyeba soki makambo Paulo azalaki koloba ezalaki solo.**

**Misala Bantoma 20:19 Nasalelaki Mokonzi na lolendo moke te, elongo na mai na miso mpe kati na matata oyo nazwaki mpo Bayuda bayokanaki mpo na kosala ngai mabe.**

**Baroma 7:25 Mersi na Nzambe, mpo na Yesu Kristo Mokonzi na biso! Boye, nazali na mosala na mobeko na Nzambe mpo na mayele na ngai, kasi nzoto na ngai ezali na mosala na mobeko ya masumu.**

**Baroma 8:6 Kokangana na makambo na nzoto ezali kopesa kokufa, kasi kokangana na makambo ya Molimo ezali kopesa bomoi mpe kimia.**

**Baroma 8:27 Mpe Nzambe oyo amonaka mitema na batu ayebi nini Molimo alingi kosenga mpo ete Molimo abondelaka mpo na batu oyo bazali batu**

**na Nzambe, lokola Nzambe alingi.**

**Baroma 11:34 "Nani ayebi likanisi na Mokonzi? Nani akoki kozala motu na kopesa ye toli?**

**Baroma 12:2 Bomikokisa te na mayele na mokili oyo, kasi botika Nzambe kobongola mayele na bino mobimba, bongo bokoki koyeba likambo oyo Nzambe alingi; likambo oyo ezali malamu nyoso mpe kitoko liboso na ye.**

**Baroma 12:16 Bozala na koyokana malamu moko epai na mosusu. Bozala batu na lolendo te na motema na bino, soki bapesi bino mosala na lokumu te, bondima kosala yango. Bomitalisa te ete bozali na mayele.**

**Baroma 14:5 Motu mosusu akanisi mikolo mosusu ezali minene koleka, kasi mpo na motu mosusu, mikolo nyoso ezali ndenge moko. Ekoki motu na motu ayeba malamu na motema na ye likambo nini ye azali kondima.**

**Baroma 15:6 Mpo ete na motema moko, na maloba moko, bosanjola Nzambe Tata na Mokonzi na biso Yesu Kristo.**

**1 Bakorinto 2:16 Lokola Buku na Nzambe eyebisi: "Nani ayebi makanisi na Mokonzi? Nani akoki kopesa ye toli?" Kasi biso, tozali na makanisi na Kristo.**

**2 Bakorinto 7:7 Kasi ezalaki bobele mpo na kokuma na ye te, kasi lisusu ye asololaki na biso ndenge nini bopesaki ye mpenza mpiko. Ye asololaki na biso likambo na mposa monene oyo bozali na yango mpo na komona ngai, asololaki mawa ndenge nini bozali na yango. Ndenge nini bozali tayari mpo na kobunda mpo na ngai. Boye sik'oyo, nazali lisusu na esengo monene koleka.**

**2 Bakorinto 8:12 Mpo soki motu apesi makabo na motema malamu, Nzambe azali kondima makabo yango lokola, kotala bobele mosolo oyo motu yango azali na yango, akotala te oyo ye azali na yango te.**

**2 Bakorinto 9:2 Boye, nayebi motema malamu na bino, mpe namipesaki lokumu na ntina na bino liboso na batu na Makedonia koloba: "Banda mbula na liboso bandeko na mokili ya Akaya bazali tayari mpo na kosunga." Motema moto na bino esili kopelisa batu mingi kati na bango.**

**Baefeso 4:23 Esengeli bobongwana nyoso kozala motu na sika kati na motema na bino mpe na molimo na bino.**

**Bafilipoi 2:3 Bosala likambo moko te mpo na ntembe to na mposa mpamba mpamba na kozwa lokumu na batu, kasi botia bino mpenza na nse kati na bino, mpe esengeli motu na motu akanisa batu mosusu bazali monene koleka ye mpenza.**

**Bafilipoi 4:2 Eodia mpe Sintiki, nasengi na bino, nabondeli bino, boyokana lokola bandeko kati na Mokonzi.**

**Bafilipoi 4:7 Mpe kimia na Nzambe, oyo eleki makambo nyoso oyo batu bakoki koyeba, ekokengela mitema na bino mpe milimo na bino kati na**

**Yesu Kristo.**

**Bakolosai 3:12 Bozali batu na Nzambe. Nzambe alingaki bino mpe aponaki bino mpo ete bozala batu na ye. Mpo na oyo, esengeli bolata ngolu, motema malamu, motema na lolendo te, boboto mpe motema molai.**

**2 Batesalonike 2:2 botika likambo moko te na koningisa makanisi na bino nokinoki to na kobangisa bino ete mokolo na Mokonzi esili kokuma. Ezali lokola motu alobaki na bino na monoko na nebi to na kosakola, soki batu balobaki na bino ete tokomaki yango na mokanda.**

**2 Timoteo 1:7 Mpo Molimo oyo Nzambe apesaki biso akumisi biso batu na kobanga te. Kasi Molimo yango atondisi biso na nguya, na bolingo mpe na koyeba.**

**Tito 2:6 Bobele boye, lakisa bilenge babali kozala batu na kokanisa makambo.**

**Baebere 8:10 Mokonzi alobi: oyo ezali kondimana nakosala elongo na batu na Israele: Nakotia mibeko na ngai kati na makanisi na bango, Mpe nakokoma yango na mitema na bango. Nakozala Nzambe na bango Mpe bakozala batu na ngai.**

**1 Petero 1:13 Mpo na oyo, botelema tayari mpo na mosala, bolala mpongi te, botia elikia na bino mobimba kati na likabo oyo bokozwa na mokolo Yesu Kristo akokuma.**

**1 Petero 5:2 bobatela etonga ya mpate oyo Nzambe apesaki bino, bokengela yango na motema malamu lokola Nzambe alingi, na motema mabe te, bosala mosala na bino, na mposa na kozwa mbongo te, kasi mpo na bolingo.**

**2 Petero 3:1 Banninga na ngai, botala mokanda ya mibale oyo nazali kokomela bino. Kati na mikanda mibale yango nalukaki kopelisa makanisi malamu kati na molimo na bino mpo na kolakisa oyo nazali kokanisela bino.**

**Emoniseli 17:9 "Awa ezali likambo na kosala mpo na koyeba mayele mpe na koyeba likambo. Mitu nsambo ezali ngomba nsambo, na likolo na yango mwasi azali kofanda. Mitu yango bazali mpe bakonzi nsambo:**